


CONSELLERÍA DE AGRICULTURA, GANDERÍA E MONTES
Xurado Provincial de Montes Veciñais en Man Común

Edificio Administrativo de Servicios Múltiples - Monelos - A CORUÑA - Tfños. 18 59 02 - 18 59 03

Sr. Alcalde Presidente do
Concello
A Picota, s/n
15256-MAZARICOS

XUNTA DE GALICIA	
DELEGACIÓN DE MEDIO AMBIENTE	
A CORUÑA	
- 6 FEB 1998	
ENTRADA N.º 922
SAIDA N.º

Aos efectos oportunos comunícolle a resolución do expediente de calificación nº 337 do monte "De Santabaia", do lugar de Santabaia, parroquia de Chacín, concello de Mazaricos, segundo o acordo deste Xurado na súa reunión de data 5 de decembro de 1997:

"Reunido na data 5 de decembro de 1997 o Xurado Provincial de Montes Veciñais en Man Común da Coruña, baixo a Presidencia do Ilmo. Sr. Delegado da Consellería de Agricultura, Gandería e Montes, D. Rogelio Aramburu NÚÑEZ, coa asistencia do Vicepresidente Ilmo. Sr. D. Angel Barrallo Sánchez, Maxistrado da Audiencia Provincial da Coruña, os Vocais, D. Andrés López-Suevos Fernández, Xefe do Servicio de Montes e I.F., D. Alfonso Vázquez-Castro Garma, Letrado do Gabinete Xurídico Territorial da Xunta, D. Juan Ramón Beneyto Bellas, representante do Colexio de Avogados da Coruña, D. José Manuel Caramés Franco, representante das Comunidades Veciñais de Montes en Man Común, e do Secretario D. Manuel Puente Araújo, Letrado da citada Delegación, para estudar e resolve-lo

Expediente nº 337
Monte: De Santabaia
Lugar: Santabaia
Parroquia: Chacín
Concello: Mazaricos

ANTECEDENTES DE FEITO:

1º. Diversos veciños do lugar de Santabaia, parroquia de Chacín, concello de Mazaricos, solicitaron con data 22/02/1996 deste Xurado, a declaración como veciñal do expresado lugar, do monte arriba citado e que ten as seguintes características:



CONSELLERÍA DE AGRICULTURA, GANDERÍA E MONTES

Xurado Provincial de Montes Veciñais en Man Común

Edificio Administrativo de Servicios Múltiples - Monelos - A. CORUÑA - Tfños. 18 59 02 - 18 59 03

Superficie: 97 Ha.
Lindeiros:

Procede do monte "Pedroso, Val, Sixto e outros", nº 103-I del C.U.P.

NORTE: Do piquete nº 75 do deslindamento ó 80 seguindo a orde de piquetes, con propiedades particulares do lugar de Vioxo. Do piquete 80 en liña recta ó 10 do enclavado A2, seguindo o perímetro do enclavado ata o "Rego de Ambalas Cordas", e polo regato ata o piquete nº 9 do deslindamento, co resto do monte "Pedroso, Val, Sixto e outros". Do piquete nº 9 ó 14 seguindo a orde de piquetes, co monte "Outeiro e outros", da parroquia de Eirón. LESTE: Do piquete nº 14 ó 16 seguindo a orde de piquetes, con propiedades particulares do concello de Negreira. Do piquete nº 16 en liña recta ó 29, con máis monte "Pedroso, Val, Sixto e outros". Do piquete nº 29 ó 32 seguindo a orde de piquetes, con propiedades particulares de veciños de Vilariño. SUR: Do piquete nº 32 ó 39 seguindo a orde de piquetes, con propiedades particulares de veciños de Vilariño e Santabaia. OESTE: Do piquete nº 39 ó 75 seguindo a orde de piquetes, con propiedades particulares de veciños de Santabaia.

20. A vista de tal solicitude, o Xurado, na súa reunión de 01/07/1996, acordou iniciarlo oportuno expediente nomeándose como Instructor do mesmo a D. Federico Sánchez Rodríguez, quen aceptou expresamente dito cargo. Procedeuse á correspondente tramitación, librándose mandamento para a anotación preventiva no Rexistro da Propiedade de Muros, oíndose a tódalas persoas, Organismos e Corporacións interesadas, expedíndose mandamentos a tal fin dirixidos ao Sr. Alcalde Presidente do Concello de Mazaricos, ao Xefe do Servicio de Montes e I.F. e publicándose Edictos no D.O.G. (nº 78 de 24/04/1997) e taboleiro de anuncios do Concello.

Debido a producirse un relevo na Xefatura do Servicio de Montes, o Xurado, na súa reunión de data 13/06/1997, acordou nomear novo instructor a D. Andrés López-Suevos Fernández, que tamén aceptou o cargo.

30. Os veciños de Santabaia fundamentan a súa petición perante o Xurado Provincial de Montes Veciñais en Man Común na orixe foral de dito monte, e en que desde tempo inmemorial veñen aproveitándolo de forma consuetudinaria, en réxime de comunidade e sin asignación de cotas, segundo os usos e costumes. Presentan copia de documentos antigos nos que xa hai referencias á existencia de tal monte veciñal.



CONSELLERÍA DE AGRICULTURA, GANDERÍA E MONTES

Xurado Provincial de Montes Veciñais en Man Común

Edificio Administrativo de Servicios Múltiples - Monelos - A CORUÑA - Tfños. 18 59 02 - 18 59 03

4º. Na tramitación das presentes actuacións cumpríronse as formalidades legais e regulamentarias, esixidas principalmente pola Lei 13/89, de 10 de outubro, de Montes Veciñais en Man Común, e o seu Regulamento de aplicación aprobado polo Decreto 260/92, de 4 de setembro, ambos da Comunidade Autónoma de Galicia, Lei de Procedemento Administrativo e demais disposicións aplicables no caso.

FUNDAMENTOS DE DEREITO:

1º. O Xurado Provincial de Montes Veciñais en Man Común da Coruña ten xurisdicción e competencia para coñecer do presente expediente en virtude do disposto nos artgs. 9 e 10 da Lei da Comunidade Autónoma de Galicia 13/89 de 10 de outubro de Montes Veciñais en Man Común.

2º. En conformidade co contido do art. 11 da citada Lei e 19 do Regulamento, aprobado polo Decreto 260/92, de 4 de setembro, os veciños de Santabaia, parroquia de Chacín, concello de Mazaricos, son parte lexítima para solicita-la iniciación do presente expediente de calificación.

3º. Para a súa calificación como veciñal en man común, o monte debe reuni-las seguintes características: 1) Pertenza a agrupacións de veciños na súa calidade de grupos sociais, non como entidades administrativas; 2) Se aproveite consuetudinariamente en réxime de comunidade, sin asignación de cotas polos membros de cada agrupación na súa condición de veciños comuneiros; 3) Que os veciños comuneiros residan habitualmente con "casa aberta" dentro da área xeográfica sobre a que se asenta o grupo social que tradicionalmente aproveitou o monte (artgs. 1, 2 e 3 da Lei 13/89 e 1, 2 e 3 do Regulamento de 4 de setembro de 1992).

4º. Das actuacións obrantes no expediente, e en especial da comprobación do que se expresa no punto anterior, se deduce que no presente caso nos encontramos cun monte pertencente á Comunidade Veciñal do lugar de Santabaia, parroquia de Chacín, no que se cumplan os aludidos requisitos.

Por iso, éste Xurado á vista dos antecedentes e fundamentos de Dereito expostos, nésta data,



CONSELLERÍA DE AGRICULTURA, GANDERÍA E MONTES

Xurado Provincial de Montes Veciñais en Man Común

Edificio Administrativo de Servicios Múltiples - Monelos - A CORUÑA - Tfños. 18 59 02 - 18 59 03

ACORDA calificar como Monte Veciñal en Man Común da Comunidade Veciñal do lugar de Santabaia, parroquia de Chacín, concello de Mazaricos, o denominado Monte "De Santabaia", cos lindeiros, superficie e características que figuran no primeiro antecedente. Asimesmo, acórdase excluí-lo declarado do Inventario de Bens do Concello e do Catálogo dos de Utilidade Pública, se neles estivera inscrito, incluíndolo no Rexistro de Montes Veciñais en Man Común que figura na Delegación de Agricultura, Gandería e Montes da Coruña.

Contra a presente Resolución poderase interpoñer recurso contencioso-administrativo no prazo DOUS MESES perante o Tribunal Superior de Xustiza de Galicia, contados a partir do momento de recepción da presente, segundo a ata agora vixente Lei de procedemento administrativo.

A Coruña, 5 de decembro de 1997

Vº e Pr.
O PRESIDENTE DO XURADO,

Asdo. Rogelio Aramburu Núñez

O SECRETARIO DO XURADO,

Asdo. Manuel Puentes Araújo



